



菅家文草

十二  
止



~ 16  
3326  
12





門 16  
號 3326  
卷 12

菅家文章第十二

願文下

為左兵衛少志坂上，有識先考周忌供

養一切經法會願文

元慶六年

黑川真道藏書

孤弟子左兵衛少志從七位上坂上，大宿祿有  
識唯願世尊垂哀聽許攝受弟子今朝之誓首  
證明先考昔日之宿心伏惟先考去貞觀十一  
年乍銜綸命赴任鎮西非唯一方之分憂兼守  
邊地之機警乃發誓曰余則將家之遺孤非有



黑川真道藏書



積善之餘慶代代冠蓋皆是王命無私生念  
中不知國息何報此府月俸倍多日費猶足須  
捨我身之三聚業將爲此間之一切經所修功  
德或多或少遠施三界近及六親自爾以降夙  
夜在公忠信不絕於口合掌向佛歸依不離於  
心向佛所以者何報國家之恩也報恩所以者  
何述父祖之志也於是府頭所歷春秋四五年  
來書手所存經論五千餘卷入京之次纔載一  
船供養之儲漸分雜具即占有緣之地運納清

水山寺自後塵累難解星杓屢移本願未成宿  
痾漸結遂以去年十一月某日慈顏就冷孤子  
等量滄海以爲淚非尊靈拔濟之流吞炎州以  
爲哀非逝竟遍照之道即尋思乎素駟役寸丹  
因緣往年之舊資將果先考之宿願今時節不  
居忌辰已及新繕經典莊嚴復終敬屈數輩之  
亞仙聊開三日之法肆就中兩日略說最勝法  
華之奧心最後一朝誦讚般若了義之題自自  
餘經論次第舉名不敢漏遺將盡數部歸命頂



禮三千世界之諸尊恭敬供養八萬法藏之妙  
理共尋弘誓當應至心善根上分慇歸國王連  
珠合璧與寶祚而永明五稼三農逐宸居而無  
缺太后禪儀植德本於普光園中宮母德掩恩  
蔭於摩耶宮王公百官文武萬姓同因善功俱  
獲安樂次願元元本本奉資先考之七世父母  
六親眷族各離徃生之筌蹄共結得道之因果  
別奉導先考亡靈速出娑婆之苦界早生安養  
之香城乃至塵煙噴焰毒虵倒懸之鄉岐又飛

鋒惡魔結縛之國以此刹那之善力各證快樂  
之芳緣

爲式部大輔藤原朝臣室家命婦逆修

功德願文

元慶七年三月十八日

女弟子從五位下藤原朝臣某子恭敬奉寫法  
華經二部外濟考妣之尊靈也弟子夙爲孤露  
未報微塵自非佛智經主無資拔苦與樂仰願  
一言一說不誑語者無量無邊施方便九弟子  
重發願曰有生焉有老焉有病焉有死焉拔山



倒日無地逃之第乎歷祀閨房脂粉之春早去  
運籌帷帳綺羅之曉難留每想前途言泗俱下  
將屬後事無一所生道之三塗身之五障誠可  
哀是故我今發唯一心歸依三寶即奉寫金字  
法華經一部無量義經一卷普賢觀經一卷般  
若心經一卷又造多寶佛塔一基以經安塔以  
塔護經種種莊嚴至心為本與若癸卯之歲建  
辰之月於東山禪林寺開次定座演甚深教筭  
斯刹那之善功迴為周忌之追福會中四朝捨

財三度唯願將充自三七日至五七七之七日大功  
德如是逆修更無後慮已無後慮視死如歸猗  
歎奉行盈耳者無非常樂我淨隨喜欣心者皆  
是菩提薩埵况乎尋壺梵唄春鳥流和雅之鳴  
偷色瑠璃晚菩掃清涼之地善心所引合掌所  
生近取諸身香華供養而已凡厥所修善根普  
及恒沙界其中含靈同結福緣乃至鐵圍山其  
下枯骨共成佛道敬白

為藤相公下室周忌法會願文

元慶八年二月



弟子叅議正四位下左大弁藤原朝臣山陰敬  
白弟子亡室平生語曰妾之薄祐夙爲孤露奉  
寫一乘妙典將濟二親尊靈情願未就之間先  
考夢告妾曰予在娑婆殺生隨手汝贖罪報當  
修善根妾之此意獨自何爲善知識故請俱記  
符弟子從聞此語雖刹那不忘於心匪躬之中  
于今未得與其善彼豈恩愛之輕以又薄乎蓋  
塵累之積而未除也弟子亦嘗作念曰弟子年之

少壯祇待所天每隨遠近於分憂無禁荒淫於  
取樂或結網垂釣殺昔弟兄或走犬飛鷹傷前  
君父如是等罪無量無邊未死之前可慙可愧  
唯有家殊內外所營不同分骨髓以寫經王弟  
子當資其業板園葵以充禪供家室宜守其勤  
相契雖深相謀雖重此願亦擁其事亦留嗚呼  
悲哉著龜不從藥石無驗去年二月○日奄然  
長逝矣亡室因報息以訪功德弟子緩而不修  
弟子就滅罪以叙心惰亡室去而無顧此是當



時雖有哀感之無數亦復平昔尤悔心事之相  
違方今露往霜來忌辰已迫十方三界生靈猶  
迷敬奉寫金字法華經一部八卷無量義觀普  
賢經佛頂尊勝陀羅尼經般若心經各一卷斯  
乃亡室宿心結考妣菩提之果也又奉寫金光  
明經一部四卷佛頂尊勝陀羅尼經般若心經  
各一卷斯乃亡室所夢別斷先考鸞鴨之誑也又  
奉圓毗盧遮那曼陀羅一鋪奉寫金字法華經  
一部八卷無量義經觀普賢經阿彌陀經地藏

保金剛不壞之身地藏菩薩像一鋪壽命陀羅  
尼經千卷現所夢之尊顏述所誠之慈教也等  
身不動尊像一鋪濟境內之人民免在巾之襜  
難也仰願國土萬民遍資功德共成福緣當州  
一局殊施善根專被護念近自六親眷屬遠及  
一切衆生乃至無明受苦之輩不別親疎有識  
含靈之類不同大小迴向普及將結芳因

爲藤太夫先妣周忌追福願文

元慶八年四月

十日



弟子從五位上藤原朝臣高經敬奉奉造無量壽佛地藏菩薩金剛因菩薩曼賢菩薩金剛菩薩觀世音菩薩弥勒菩薩文殊師利菩薩大勢至菩薩像奉寫法華經八卷無量義經觀音賢經各一卷阿弥陀經四卷佛頂尊勝陀羅尼經轉女成佛經般若心經各一卷何以故奉為先妣周忌追福也弟子去四年春出為外吏閨門內顧老母在堂欲負載而共行煙浪非和顏之道將拜辭以獨去風枝是入髓之寒然而忠孝不兼君親

惟異三四年別詎無再會之期數百里程將有頻通之使遂割情愛遠赴勤主嗟屢去年春末家書忽至淚讀俱下伏兼嘗藥即乘海路晝夜兼行及近京城逆聞傾逝噴交刀火不覺滅性之傷身空叫簾帷不知悲腸之結病先妣哀喪數日之後弟子所患遂入膏肓弟子病苦隔年之間先妣忌辰已驚日月今月二十二日斯乃先妣下世之夕也是故弟子敬禮無量壽之尊像歸依妙法華之大乘唯有一心奉翊先妣亦復



觀音大勢地藏菩薩無量普賢阿彌陀經更無  
餘念奉翊先妣淨界雖多唯願畢○奉住安養  
福因雖廣唯願真實奉成法身功德之餘普及  
一切以此發無礙心之故又為先妣得道之因  
木上允乎遂良為先考修功德兼賀慈  
母六十齡願文 仁和元年十  
二月二十日  
弟予木上允乎遂良敬白弟予先考去元慶六  
年五月二十日奄然即世孤兒等攀慕息愛引  
導尊靈將以圖繪阿彌陀像書寫金光明經周

如騁飛電猶遺雙淚不遑忌辰已迫於是尊像  
既成暫闕香華之供真文未發纔存紙墨之儲  
起居刻肌晝夜焦思維憂以老三四年來今屬  
微官除自寸祿在身發新意而仰尊容就舊資  
以寫妙典即窮冬臘月二十日於南郊外禪居  
寺聊展法筵伏屈僧侶凍水清淨霜枝輕微歸  
依經主供養佛像先考平存不好殺生恐有鴉  
鴨之虛訴先考疇昔思樂安養願遇瑠璃之滿  
庭若令精誠不虛唯願移水相於塵界若令權



便惟實唯願放金光於雪朝所修功德惣奉導  
先考應身化身隨舊緣以成佛果天上地下尋  
往生而益莊嚴弟子等又次作念曰弟子慈親  
去元慶始造如意輪菩薩果宿願也弟子今年  
新書妙法蓮華經叙至心也修善之次更重發  
願奉賀慈親六十之齡奉祈慈親萬億之福弟  
子一心晝則開演新寫大乘之題名同胞兩好  
夜頌讚舊成菩薩之寶号善根為味何必乞靈  
藥於玉人冥助為家誰暇遷幽閨於紫府仰願

開示悟入之誠成就妙理愍念有生之○○○  
弘誓聽許我等無二之誠成就慈親且千之  
願弟子我等因梵風之末力霑惠雨之餘功滅  
除交難增長福壽隨喜之輩說法之隣太慈悲  
故共成福果

為源中納言家室藤原氏奉為所夫太

相國修善功德願文

仁和二年二月二十日

女弟子藤原滋子敬白三世如來十方聖衆弟  
子所夫閣下消塵未訓海岳弥大霜露如騁春



秋屢迴非積善之慶不成非皇天之祐不降是我人子何忍默然夫至孝之道不以極樂爲務以冥助爲情冥助之功以真實爲宗不以名稱爲本是故佛眼曼荼羅三副一鋪維摩梵網經兩部五卷丹青之信假手莊嚴黃金之字至心書寫過伽水淨繞壇場以有芳流護摩火明燒災難而無餘燼圓滿心願則天王現觀喜之相成就福田則佛母飛真言之咒年之陽春春之仲月自二十一日至二十五日五箇日夜作法

已畢其明朝二十六日使展講筵演說寶典雲蓋爭迎雖殊淨名居士之空室日輪已暖欲同玄通華光之照明入夜之後待曉之間乞淨戒於阿闍梨仰尊儀於獅子吼此等功德唯有一念俾我所天閣下其以如瓊闕之長生俾我所天閣下其堅如金剛之不壞弟子身是婦人孝道有限雖無朝夕相邊以陪摩頂未有時刻暫懈而忘和顏仰願講會隨喜之諸尊戒壇證明之菩薩自東方自西方自上方自下方或擎加



持咒護之良藥或銜利益安樂之明珠如我本願助此報恩荷歟所天載口者世之無事歲之有年所夫迴心者幽之遇明苦之得樂弟子修善既云事父普及一切如是迴向

爲清和女御源氏外祖母多治氏七七

日追福願文

仁和二年七月十三日

弟子從四位上源朝臣濟子敬白弟子外祖母多治氏去五月二十九日厭弟子而不顧未知向於何方弟子今於佛前請其拔苦與樂弟子

昔日新生依託祖母之後祖母今年微病未拋弟子之前雖災聖靈於登霞雖痛先妣於逝水憑祖母之摩頂慰弟子之斷腸我今無所依我今無所託云憂云喜孰爲相謀或起或居孰爲相護悼而重悼孤之又孤如是酸辛皆悉罪報嗟辱夏月先過秋風已吹簾影空垂砌塵未掃哀不能斷時不可留今歸尊靈殞命之舊窓當修四十九日之功德尊靈去年五月宿病乍發殆及危急弟子當時作念欲奉圖繪帝釋菩薩



雖去年所願與今年相違而事死之誠與事生何異是故弟子抑淚迴謀莊嚴此像又弟子新發意奉寫金字法華經一部八卷無量義經普賢觀經般若心經各一卷轉女成佛經二卷一乘之法是無二無三也弟子之心亦無二無三也唯有一法唯有一心以斯妙理捨資尊靈弟子不知尊靈所往何世界何須弥就何生人何道常樂我淨布慈雲以奉導尊靈開示悟入施惠雨而奉翊尊靈紺瑠璃紙變爲證菩提之地

黃金泥字散爲成正覺之華假使尊靈速離塵垢得住三明願弟子暫引瓔珞夢中再遇次願聖靈山陵奉增遍周之威光過去先妣奉加安樂之遊戲若令宿昔誓願于今不變定知先妣侍聖靈轉輪之官若令此朝善根在彼有緣定知祖母昇先妣架蓮之座弟子雖在人間已爲薄祐願我以此一念值遇於三尊大鐵圍之外恒沙界之中一一廻向共成福樂敬白

爲清和女御源氏修功德願文  
仁和二年十一月十一日



月二十  
七日

弟子從四位上源朝臣濟子恭敬奉繪延命帝釋  
一字等菩薩像弟子前年作念所以者何每見  
泡影之有爲每逢露電之不定歸命此三菩薩  
庶幾彼有冥祐今之綵圖果宿心又更奉圖觀  
世音菩薩像何以故請弟子述五七之證明也  
弟子伏惟聖靈昇遐于今二十九歲先妣下世  
介後二十三年孤露之悲寒溫已累浮雲之質  
變滅何時况身之數竒家之單祚今而不營功

德後亦更屬何人弟子欲修此善先問因緣  
豈非婦人可攀仁祠豈塵累之所觸至心苟合  
如來不現誰家誓首惟勤淨界不移何處是以  
弟子灑掃幽閨排展禪座晝則供養四菩薩之  
尊像夜又收拾三聚戒之明珠百和薰香纒採  
舊年之匣底一枝殘萼適折寒月之籬前以清  
淨爲宗以真實爲本今朝萬事近取諸身而已  
凡厥所得善根先獻田邑山陵反覆而恐欲罷  
不能猶願奉添白毫之末光將表丹懇之遠志



復次奉導先妣尊靈星霜雖積割腸之悲在今  
松檟雖老泣血之淚如昨仰願上方下方若南  
若北在在處處將益莊嚴弟子伏尋往年與弟  
子常發願者斯乃外祖母多治氏也天也亦天  
也可悲又可悲祖母去夏乍出閭浮弟子此冬  
逾纏哀慕發心之次已斷增長福壽之思結願  
之終空念速證菩提之誓悔而不及言以無徵  
請寄勝因早成佛果弟子現世當生共成所願  
其餘多少福惠普及無邊

為官道友兄賀母氏五十齡願文

二十一年

十一月二十六日先是友兄就事到讚  
岐旅館臨歸語云所願云將賜願文于  
昨夜更已久交睫漸成不勝旅客之所  
屬乍卧命友兄採筆隨余口誦寫取之  
到京令友兄寫送一通

奉寫三千佛名經七佛藥師經金剛壽

命陀羅尼云

右弟子官道友兄等敬白幼稚之年乍為偏露  
慈親摩頂孤子勝衣欲報之恩昊天罔極重戴  
山海未吞消塵方今烏兔不留星霜屢變半百



之齡已在當年人子之道難可忘息仍奉寫寶  
典等書誦陀羅尼門之神咒夜禮十方三世之  
佛名以斯功德將奉訓慈親無限之恩德一切  
不祥未然消滅無邊善願如意圓滿弟子等同  
霑福緣共得利益

奉

勅放却康鳥願文

寬平四年五月十六日

神泉苑者累代近遊之地也貞觀之始有牝牡  
康生息相續今已成群有彼垣牆之全涯分豈  
如山藪之任野心又春氣初暄鳥色可愛二三

五六留在籠中嗟辱物我雖殊含情惟一閑思  
兩翅之不展譬猶六塵之難離夫有果有因不  
知不識今之禽獸前之父兄是故起懺悔心發  
菩提願禁苑之康呼母子而出苑門煩籠之鳥  
望山林而開籠口即遣藏人右近衛少將藤原  
朝臣滋實檢校將領放天台山此山者宿昔所  
經覽誠足以遂生况六時燈明一乘色遠何物  
而不拔苦何生而不得道故捨調布一百端便  
未成善功德又童稚之日作念以爲慈悲行故



不傷生類即位之後一二年來愛見鷹鷄時勞  
皆養不敢貪鷄雉之獲唯只助幽閑之意靜而  
惟則亦復煩惱也可慙可愧可恐可畏惟願善  
根之力滅我如是等罪

為諸公主奉為中官修功德願文

寬平

四年十一月

二十一日

中官殿下每年臘月尅三日夜讀經禮佛當于  
此年四內親王運籌惟帳作念言曰知恩報恩  
無貴無賤雖有殿下不容祈年之壽何無我等

可輸增等之誠門房有閑不敢奔月以求良藥  
湯沐雖富頃向風而試一燈夫寄人述志者方  
便門也假物成功者因緣力也我等請奉行今  
冬之功德將報宿世之慈悲且以隨喜且以思  
惟即便結搆佛殿剎那安置寶像金銀泥繪藥  
師淨土黃金如意輪白銀梵釋天白檀像四夫  
王正殿方面中臺左右莊嚴具足種種微妙心  
誠在心攝蓮華峯於半三尺步不煩步縮瑠璃  
地於小一弓復次奉寫太雲經六卷如意輪經



轉女身經帝釋經金剛壽命經各一卷金泥字  
書青紺色紙譬如有名星宿麗晴天以放光無  
價花房排寶樹而連蒂荷摩百千菩薩何故以  
六臂爲本尊八萬經王何故以六軸爲成數第  
子我等有至心本願諸佛何爲不悉知不諦聽  
斯時也聖朝滅罪之始殿下發心之間近就禁  
省後庭便開常寧中殿雪花清淨蒲虛空以供  
如來霜核精勤凝真實而施禪衆南無金剛秘  
密太弘誓故南無方等無相本所說故一禮一

拜半句半偈擁護我殿下加持我殿下雖上命  
中分難返鳥兔於既往而長生寶筭願祈金玉  
於將來善力不可量福緣不可說奉翊聖朝將  
攀安樂所千世界無數衆生每各隨求皆令得  
道

奉中官令旨爲第一公主賀四十齡願

文寬平五年十一月二十一日

奉造白檀釋迦佛像一軀脇侍菩薩

二軀



奉寫金字孔雀經一部

墨書壽命經四十卷

右中宮殿下為第一公主所莊嚴也公主春秋四十事須慶賀優遊殿下思慮百千謀在息災延命是故歸依功德深著善根中殿懺悔滅罪之間後庭香華普供之次便就勝蘭聊陳梵唄子之所以求長生者專欲事母之長也母之所以祈遠筭者不忌願子之遠也發意無二無三作念非他非自唯願公主久帶綺羅之春公主

永斷霧露之犯福業之霜薰修之助及於無邊法界成其切所求癸丑之歲臘月二十一日發願文

為兩源相公先考大臣周忌法會願文

寬平八年八月十六日

弟子叅議從四位上源朝臣湛叅議從四位下源朝臣昇等歸命誓首諸佛聖眾弟子所天大臣宿昔發願始繕寫一切經復次作念漸歸依彌陀佛佛像未現經王猶欠言事相違始終如



失遂以去年八月二十五日藥動薨逝弟子等  
眼流新淚心計舊懷寫畢經王之有欠者即法  
藏分教未而聚焉造成佛像之不現者亦觀音  
得大隨而具矣所天尋常言曰棲霞觀者嗟峨  
聖靈久留眷賞假使暫為風月優遊之家唯願  
終作香華供養之地是故弟子等新添堂構於  
彼觀全納經典於其中西方一佛勸請以備本  
尊東京兩家因誓以資禪定皆是所天尊靈之  
宿心曾非弟子遺孤之新意嗟乎日月不居忌

辰忽至瞻仰尊顏諦聽經目一心也一念也令  
我所天尊靈定往生極樂界功德善根不可思  
議如佛所說平等利益

為尚侍藤原氏封戶施入圓成寺願文

寬平元年

正月三日

女弟子尚侍從一位藤原朝臣敬白

施入播磨國封戶五十畑

右弟子依有宿念建圓成寺後太上天皇勸誘隨  
喜微微發願雖出妾心一一莊嚴專由聖慮方



今佛前供養香油未飽僧房住持衣鉢猶乏弟子所賜別勅封戶明之家途既為行溢是故筭數輸物先分五十烟廻向功德普及三千界人生有限恩賞無○死後還公是大理也女弟子敬白

奉勅雜藥供施三寶眾僧願文寬平九年

三月二十三日

假銀臺一合納雜藥佛施料  
紅雪小百斤僧施料

弟子生在末世乃宿業也位為國王乃勝因也

是故常念所得珍賤以用布施萬民百姓然而志申力屈言深事淺唯願和合一二劑上妙香普及千萬億苦眾生今之所捨在此上分三寶眾僧垂哀聽許弟子敬白

咒願文

踐祈一修仁王會咒願文仁和元年四月八日

至心敬禮 教主牟尼 誓首歸依

仁王般若 三摩地寂 千葉臺飛

放太光明 奏殊勝樂 其言不誣



所說甚深	為國為身	應解應入
仁和獻歲	龍集旃蒙	曆數在躬
鴻基聖運	朱明孟夏	時哉此時
黑月庚辰	吉之又吉	愍人民故
安國土故	三寶惟崇	萬機暫息
邇自華輦	霜伏九重	遍報竹符
煙城七道	都兀百座	講演二時
勝蘭結藂	水月同照	莊嚴種種
贊唄聲聲	幡霽殘虹	華吹四面

見者無數	聞者有緣	發菩提心
仰明行足	所修功德	福不唐捐
諸尊證明	聖衆隨喜	陰難陽難
未然滅除	天災地災	剎那銷復
獨眷聲火	年有大秋	修緯道長
府無虛月	人之賴化	黔黎合歡
俗之飲和	鐐質同利	羽孳蹄乳
鱗伏蛟行	因善知識	得安樂果

臨時仁主會咒願文  
寬平五年閏五月十八日



國主皇帝	歸命頂禮	仁主般若
波羅密經	發願無邊	所以者何
去歲有疫	往往言上	今年痛甚
家家病死	城外城中	累旬累月
衆生何罪	遭此天刑	一人之遯
延於海內	至心懺悔	三業六根
合掌歸依	十方諸佛	寬平五載
夏閏五月	十有八日	乙酉良辰
遠羅城門	近清涼殿	城內諸司

都邊數寺	百講閑座	二時說經
幡蓋裝嚴	香花供養	心不戴心
欲消疫癘	念無餘念	欲濟人民
既沉困者	願早除愈	未初病者
願先遠離	勿復攸愧	頻年不登
倉庫屢空	飢饉難免	功德之餘
專祈五穀	甘雨順時	暴風永斷
秋實全收	餘糧栖畝	世間安樂
擊壤成歌	復次所患	東西奏聞

諸家效韓  
 卷廿二  
 陸



兵刃不閑  
遠鎮二方  
大鐵圍下  
同昇覺道  
城塞有警  
野心調和  
恒沙界中  
知之不知  
善根之潤  
海賊消滅

臨時仁王會咒願文  
寬平七年十月十七日

國主皇帝  
波羅密多  
太宰府奏  
兩頭之犢  
歸命頂禮  
發願無邊  
水鳥之妖  
兵庫器鳴  
仁王般若  
所以者何  
攝津國言  
官廳鷺集

天上變徵  
所告云云  
咨之卜筮  
或兵賊難  
雖為一人  
雖為遠方  
是故作念  
三葉六根  
寬平七年  
禁中恠異  
流星夢想  
考之陰陽  
或藥動患  
雖為萬民  
如是等禍  
爰復廻慮  
命掌歸依  
孟冬十月  
神宜人語  
所見種種  
或水火災  
或不祥謀  
雖為近處  
惣可怖畏  
至心懺悔  
十方諸佛  
十有七日



庚子良辰	自大極殿	至朱雀門
一十六堂	百八十僧	幡蓋莊嚴
香華供養	鐘磬連響	梵唄合聲
講演百座	朝夕二時	緇素同心
見聞隨喜	心不戴心	欲滅災難
念無餘念	欲除憂患	未然降伏
轉禍為福	在前護持	變凶為吉
復有今秋	五穀纔熟	木乘力故
願全收穫	乃至永年	風雨順時

疫癘無起	天下安穩	大鐵圍下
恒沙界中	知之不知	同屏覺道
臨時仁王會咒願文	<small>寬平九年三月十九日</small>	
國主皇帝	歸命頂禮	仁王般若
波羅密經	去年言上	太宰大疫
近日有聞	京都漸患	眷情不安
怖畏無極	寄言冥助	歸信明神
是故發願	廣設大會	至心懺悔
三業六根	合掌歸依	十方諸佛



寬平九載	季春三月	十有九日
甲午良時	自太極殿	至朱雀門
一十六堂	百八十僧	幡蓋莊嚴
香華供養	講演百座	朝夕二時
道俗同音	見聞隨喜	心不貳心
欲消疫癘	念無餘念	欲濟人民
既沉困者	願早除愈	未初病者
願先遠離	一切不祥	隨而消滅
一切災難	同然攘除	功德之潤

專祈五穀	甘雨順時	夏種無滯
暴風永斷	秋實全收	諸國豐稔
百姓富饒	大鐵圍下	恒沙界中
知之不知	共屏覺道	

臨時仁王會咒願文  
昌泰元年六月二十六日

佛語真實	歸命經王	法會莊嚴
成熟功德	天皇發願	其何以故
京畿七道	貴賤萬民	連年疫癘
無驗療治	隨日死亡	不遑收葬



苟居其位	誰不懊惱	是故作念
如說修行	昌泰元年	歲次戊午
季夏六月	二十六日	諸國教化
禁斷殺生	百官潔齋	奉行諸善
鳳城內外	華輦綠邊	明神社下
靈驗佛前	散華如雨	天衆交降
梵唄如風	地類爭赴	俯而所聞
百獅子吼	仰而所照	一護國珠
異處薰修	遂無化念	分時演說

唯有一心	假使末世	由運降災
講般若故	願早消滅	假使時政
違令起罪	講般若故	速得調和
假使鬼道	吐怒惱人	講般若故
變怒為喜	假使亡靈	含怨成祟
講般若故	轉怨為樂	其既困者
法藥嘗口	其欲病者	智斂護身
合掌未開	四方除愈	替首未舉
萬里平安	善根之餘	永斷冰旱



風雨順時  
聞之見之

五穀豐登  
資善知識

或幽或明  
證菩提果

保安五年閏二月廿三日書之散位藤

天美元年八月八日進納北野廟院

以權上座勝還大德令觸  
官寺政所留守圓真矣

管家文草十二卷

同後集一卷

管相公御集一卷

第廿卷

朝散大天藤廣叟

當將附謝世累所果夙心也以傳來葉勿出院內

管家文草第十二

以下無

本朝之詞章文雅蓋不為不  
多矣大卒以管家為宗也其  
生平述作凡十二編名曰管  
家文草書肆欲鏤行焉也既  
尚矣然而文字錯脫訛點狼  
籍欲校正更無別本之可據  
予暇日探書廬有一帙題管  
家文草古昔名于世者之所



點也書肆野田某聞之而請  
之切也遂令之鑿矣間有脫  
字缺點者固神述之不可測  
者也故不妄議而校正焉寬  
文七歲次丁未夏六月日洛  
陽後學慮庵福春洞謹跋

本陳之陸章文非蓋不為不

卷



